

潮州志

潮州志

大事志一

潮地襟帶山海伊古爲巖疆號稱難治自漢武開縣始入職方之圖唐以隆鎮所歸人文日盛洎宋明末造天南流播負隅憑險尤以此爲要衝其間不無黽勦艱貞崎嶇盡瘁之士有若文天祥屯師潮陽張冢王募兵鎮平鄭成功傳檄勤王於南澳皆昭然著在史冊當明中葉山海兩寇攘奪相尋勾引倭夷爲害茲甚清初濱海被兵苦無寧歲而土弁交訐洶洶不已耿藩之變劉鎮反清塵兵潮惠之間及乎受撫而征伐稍息自是黎庶始略享承平民國以來伏戎于莽變亂間作迨日寇南侵海隅深罹荼毒其赴國難捐生命可泣可歌之事尤夥凡此皆地方之大事足以備國史之要刪者也往日志乘順治乾隆時吳周兩府志各有兵事征撫之篇用紀事本末之體不繫年月稽覽爲艱海陽吳志仿阮通志例撰爲前事略始泰訖清椎輪粗具顧乃局于一隅潮陽唐志周志揭陽劉志李志均有事紀而年世不齊繁殺非一自餘各志或稱寇氛寇變或繫兵防海防大都詳亂而略治若是於時政得失生民

總纂饒宗頤輯訂
勳纂陳學海輯

卷一

潮州府志

利病考鏡何從烏足以賅一郡之大事耶是志之輯舉凡災變兵燹庶政建置諸大端挈要編年立綱繫目爲之撰異匡誤其委瑣則納諸志餘勾稽載籍勤爲補綴於以述往思來究治亂之原尋興革之軌縱橫今古稍存全州歷代之故實語云前事之不忘後事之師也雖不能盡備亦考文徵獻者所不廢爾

秦

始皇

三十三年

丁亥
公元前二一四

初戌揭陽嶺

是年發諸嘗捕亡贅婿賈人略取陸梁地爲桂林象郡南海以適遣戌【史記始皇紀六國表】三十四年摘治獄吏不直者築長城及南越地【始皇紀】

宗頤按徐廣曰五十萬人守五嶺張守節正義引廣州記云五嶺其一揭陽此秦兵之初戌揭陽嶺也淮南子人間訓秦使尉屠睢發卒五十萬爲三軍一軍塞鐔城之嶺一軍守九疑之塞一軍處番禺之都一軍守南野之界一軍結餘干之水三年不解甲弛弩使監祿無以轉餉又以卒鑿渠以通糧道以與越人戰殺西嘔君譯吁宋而越人皆入叢薄中與禽獸處莫肯爲秦虜相置桀駿以爲將而夜攻秦人大破之殺尉屠睢伏屍流血數十萬乃發戌以備之此事始皇紀不載惟史記主父偃傳嚴安上書云秦使蒙恬將兵北攻胡又使尉屠睢將樓船之士南攻百越使監祿鑿渠運糧伐胡伐越兩事相提并論蒙恬擊胡事在三十二年則屠睢攻越當亦同年【番禺志前事略主是說】呂成公大事記與越南史籍如黎文休大越史記別記潘季先等越史通鑑綱目均繫此事於始皇三十三年【即蜀安陽王四十四年】是也張鏡心馭交記繫始皇三十二年相差一年法人鄂蘆梭 J. Aurousseau 乃誤讀人間訓文謂秦人初次用兵南越在始皇平定天下之歲即二十六年不悟淮南明言秦伐越因始皇覽河圖有亡秦者胡一語遂發兵南鑿越而北擊胡見河圖事在始皇三十二年則伐越烏得在其前耶又郭斐萬曆廣東通志繫其事於二十九年當是據淮南子三年不解甲弛弩一語加以推測以三十三年平南越置三郡假定越人殺尉屠睢在其前一年如

是再上推三年爲二十九年不知依淮南定說則擊越當在三十二年見河圖之後自身矛盾而廣州府志繫於三十四年比三十三年遲一載考阮元通志雖錄淮南文於三十四年下然於三十三年已書趙佗與屠睢同來攻越則三十三年是而三十四年亦非伐越之年各書多歧附爲辨正

又按晉書地理志始皇既略揚越以議戍卒五十萬人守五嶺後使任翫趙佗攻越略取陸梁地遂定南越以爲桂林南海象等三郡非三十六郡之限乃置南海尉以典之所謂戍卒五十萬人符屠睢所領之數又以五嶺卽五路兵蓋用徐廣說惟將議戍與使任趙攻越分爲兩事則因淮南記屠睢敗後有乃佗尉佗將卒戍越一語從爲之辭方輿紀要載史祿轉餉留家揭嶺此爲中土移民入潮之始惜其遺址不能確知耳附按吳府志兵事記轉餉之始云始皇佗南海尉屠睢伐百粵以史祿轉餉擊渠海陽山下通糧道民稱靈渠林胡府志及海陽張志吳志皆著此事蓋以史祿擊渠在潮之海陽縣海陽山下考淮南人間訓高誘注監祿秦將擊通湘水瀰水之渠文苑英華及輿地紀勝載唐魚孟威重修靈渠記云靈渠乃海陽山水一派也謂之瀰水秦命史祿吞越嶠而首鑿之晉書地理志靈渠引瀰水故秦史祿所鑿又輿地紀勝靜江府古蹟秦鑿渠在興安縣是史祿所鑿靈渠實在今廣西興安縣與潮州之海陽絕無涉考漢書地理志零陵陽海山有瀰水水經瀰水出陽海山是其山本稱陽海山後人轉誤倒稱曰海陽山遂致與潮州海陽縣之海陽山相混舊志不加細察因訛傳訛特爲訂正于此

漢

高祖

五年

已亥
公元前二〇二

春二月立吳芮爲長沙王

二月詔以長沙豫章象郡桂林南海立番君芮爲長沙王【漢書高祖紀】

宗頤按項羽初封芮爲衡山王時僅領六安國四縣及江夏郡一縣迨高祖徙之長沙僅得長沙及豫章郡數縣而已或謂芮時揭地遠屬長沙然南海諸郡尙屬趙佗高祖但虛封之耳

十一年

乙巳
公元前一九六

夏五月立尉佗爲南越王

五月詔曰粵人之俗好相攻擊前時秦徙中縣之民南方三郡吏與百粵雜處會天下誅秦南海尉佗居南方長治之甚有文理中縣人以故不耗減粵人相攻擊之俗益止俱賴其力今立佗爲南越王使陸賈卽授璽綬

佗稽首稱臣

【漢書高祖紀】

十二年

丙午

公元前一九五

春三月立南武織爲南海王

三月詔曰南武織亦粵之世也立以爲南海王【漢書高祖紀】

宗頤按時潮地屬南海郡全祖望經史問答云據詔文謂織是無諸之族南武地當在今汀潮贛之間長汀志以今武平縣卽當日南武侯地而漢封之曰南海者考潮安饒平交界有南武嶺盤藍雷三姓族居其上

其山名南武倚因南武織之舊疆而名歟

高后

五年

戊午

公元前一八三

尉佗自稱南越武帝

高后時有司請禁南越關市鐵器佗曰此必長沙王計也欲倚中國擊滅南越而并王之自爲功也是歲南越王尉佗乃自尊號爲南越武帝發兵攻長沙敗數縣而去文帝元年始復奉貢職【漢書高祖紀史記尉佗傳】

武帝

元鼎五年

己巳

公元前一二二

秋漢伐南越餘善從擊呂嘉兵至揭陽反

四月南越王相呂嘉反殺漢使者及其王王太后秋武帝遣將軍路博德將兵擊呂嘉東粵王餘善上書請以卒八千從雙船將軍擊呂嘉兵至揭陽留不遣陰持兩端以海風波爲解是冬楊僕等破南粵餘善請引兵誅之不許因留諸將校屯嶺上餘善遂反殺三校尉上乃遣楊僕出武林中尉王溫舒出梅嶺擊之【漢書武帝紀兩粵傳】

宗頤按漳浦志蒲葵關漢南越故關餘善以兵從至揭陽經此關在邑之南卽盤陀嶺也

六年

庚午
公元前一二

冬十二月南越揭陽令史定降漢

十月得南越相呂嘉首遂定越地以爲南海蒼梧鬱林合浦交趾九真日南珠厓儋耳郡冬十二月揭陽令史定「漢書兩粵傳作史定史記表及南粵傳無史字說詳職官表」聞漢兵至降上封爲安道侯「漢書兩粵傳參史記景武功臣表」按夏歷冬在公元已交翌年茲但依歲首紀元下仿此

置揭陽縣屬南海郡

是歲武帝平南越置南海郡領縣六揭陽屬焉「漢書地理志」

後漢

光武帝

建武五年

己丑
公元二九

冬十二月交趾牧鄧讓率南海七郡奉貢

冬十二月交趾牧鄧讓率七郡太守遣使奉貢「七郡李賢註謂南海蒼梧鬱林合浦交趾九真日南並屬交州」初岑彭與交趾牧鄧讓厚善與讓書陳國家威德于是讓與桂陽太守張隆等相率貢獻悉封爲列侯江南之珍始流通焉「後漢書光武紀岑彭傳」

宗頤按東漢以降自交州通上國有水陸二途漢伐南越兵至揭陽以海風波爲解其時正循海路後漢書鄭弘傳云舊交趾七郡貢獻轉運皆從東冶時屬會稽郡汎海而至風波艱阻沈溺相係弘奏開零陵桂陽道於是夷通遂爲常路所謂嶠道即五嶺之道自鄭弘開闢人始多舍海而遵陸也

安帝

永初三年

己酉
公元一〇九

海賊張伯路寇掠緣海九郡

是歲海賊張伯路等寇掠緣海九郡遣侍御史龐雄督兵討之【東里志境事吳府志兵事】此為潮州海寇之始

吳

大帝

黃武五年

丙午
公元二二六

分交州置廣州俄復舊

是歲分交州置廣州俄復舊交州太守士燮卒權以交趾縣遠分合浦以北為廣州呂岱為刺史交趾以南為交州戴良為刺史【吳志孫權傳士燮傳】

赤烏五年

壬戌
公元二四二

鍾離牧守南海揭陽曾夏來歸

是歲鍾離牧從郎中補太子輔義都尉遷南海太守時揭陽曾夏等聚眾數千人歷十餘年以侯爵鍾離贈千正下書購募不可得牧遣使慰諭皆首服改為良民【鍾離牧傳註引會稽典錄】

景帝

永安七年

甲申
公元二六四

復置廣州

是歲復分交州置廣州【孫休傳】

晉

成帝

咸和六年

辛卯
公元三三一

分南海立東官郡

是歲分南海郡立東官太守【宋書州郡志】潮地屬之

安帝

義熙九年

癸丑
公元四一三

分東官立義安郡領縣五

是歲分東官郡立義安太守領縣五海陽潮陽綏安海寧義招
【宋書州郡志】各縣惟海陽晉初立餘均此時置詳沿革志

齊

武帝

永明七年

己巳
公元四八九

封蕭子珉爲義安王

子珉字雲璵武帝第二十子是年三月甲寅立爲義安王【南史齊武帝紀】子珉後改永陽王繼衡陽元王道度後永泰元年見害事具南史齊宗室衡陽王傳

梁

簡文帝

大寶元年

庚午
公元五五〇

封蕭大昕爲義安郡王

大昕字仁朗梁簡文帝第十八子是年封義安郡王二年遇害事具南史簡文諸子傳

陳

文帝

天嘉五年

甲申
公元五六四

封陸子隆爲潮陽縣伯

子隆吳郡人隨章招達討陳寶應功最遷武州刺史改封朝陽縣伯事具南史子隆本傳

宗頤按南史陳文帝紀擒陳寶應在天嘉五年十一月己丑封諸有功者或是在是年惟子隆初封武州刺史武州梁置今湖南常德而南史本傳稱改封朝陽伯潮陽周志雜錄封爵引作潮陽考漢縣有朝陽屬南陽

郡劉宋時已廢則此朝陽當為潮州之潮陽汪士鐸南北史補志梁陳義安郡有潮陽伯國即此

又按潮陽周志封爵載元魏崔光封潮陽伯北史崔光傳孝文時光以參贊遷都謀賜爵朝陽子進爵為伯及封平恩縣侯以朝陽伯轉授第二子勗然元魏不應封及南裔考漢縣濟南郡有朝陽後漢曰東朝陽後改【南北史補志】舊唐書地理志齊州臨濟漢之管縣隋為朝陽縣魏書地形志濟南郡朝陽有朝陽城光及子勗所封當在于此非潮州之潮陽也附為辨正

隋

文帝

開皇十年庚戌秋八月遣使節巡嶺南

八月遣柱國襄陽郡公韋洸上開府東萊郡公王景並持節巡撫嶺南百越皆服【隋書高祖紀】

十一年辛亥罷義安郡始置潮州

開皇十年罷郡省海陽縣仍於郡解置義安縣以屬循州是歲立潮州以潮水往復為名【元和郡縣志】

煬帝

大業三年丁卯復義安郡

是年罷潮州復為義安郡【元和郡縣志】

六年

庚午
公元六一〇

武賁郎將陳稜自義安浮海擊流求國

二月乙巳武賁郎將陳稜請大夫張鎮州發東陽兵萬餘人自義安汎海擊流求國至高華嶼又東行二日至鼉鼉嶼又一日便至流求破之獻俘萬七千口【隋書煬帝紀陳稜傳流求國傳】

宗頤按此事通志舊府縣志俱失載東里志繫於大業四年蓋誤讀流求國傳今據煬帝紀正【丁謙隋書四裔傳地理志攷證云由潮州往流求先經八重山次經宮古島乃至那壩考自饒平柘林至冲繩之那壩水程七一四海里陳稜傳謂自二月乙巳出兵汎海月餘而至正逆節季北風之時故濡滯如是之久台灣澎湖聽志福建通志俱言陳稜略澎湖地隋代流求自法人 Saint-Denys 以爲即今之臺灣厥後學者多從之其所經之鼉鼉嶼或謂即澎湖東北之奎壁山主冲繩說者則謂陳稜發兵萬餘人如以每艦載兵百人須百餘艦奎壁山周圍九里十九町沙岸多礁絕不容多量戰艦停泊故定鼉鼉爲那壩口之久米島久米爲鼉鼉音訛蓋細按史文似指冲繩書缺有間尙難遽斷云】

十二年

丙子
公元六一六

冬十二月嶺南俚帥楊世略併潮州

是歲林士弘操師乞起爲盜據豫章隋遣治書御史劉子誦討之射殺師乞士弘收其衆稱號改元【舊唐書林士弘傳】十二月略地至番禺嶺南俚帥楊世略起兵據循州併有潮州【吳府志兵事參周府志征撫】

唐

高祖

武德四年

辛巳
公元六二一

復置潮州

是年義安郡復爲潮州【元和郡縣志】時潮地屬林士弘

五年

壬午
公元六二二

春正月李靖平嶺南潮州循二州來降

初蕭銑以舟師破豫章士弘獨有南昌虔循潮之地銑敗其亡卒稍歸之復振【新舊唐書士弘傳】武德四年十二月李靖平嶺南【冊府元龜百六十四】荊州總管趙王孝恭遣使招慰之世略乃以循潮二州降時

五年正月己酉日也。以爲循州刺史使持節總管循潮二州軍事。〔新唐書高祖紀地理志廣東新通志列傳〕士弘遣其弟鄱陽王藥師率兵二萬攻圍循州。世略破斬之。〔新唐書士弘傳〕

宗頤按吳周府志稱李靖檄龐恭討之。世略乃以二州背林來降。後避太宗諱更名略。功蓋與馮盎等史稱俚帥其人必爲土著。榕園瑣錄梅州舊諺云未有梅州先有楊古卜。豈其時楊已爲程鄉之著姓歟。

高宗

總章二年

己巳
公元六六九
陳政出鎮綏安平泉潮蠻僚

是歲泉潮間蠻僚嘯亂。居民僉乞鎮帥以靖邊方。高宗敕陳政統嶺南行軍總管事出鎮綏安。將校自許天正以下一百二十三員俱稟號令。比至鎮。羣蠻來侵。自以衆寡不敵。退保九龍山。奏請益兵。朝命以政二兄敏敷領軍校五十八姓來援。敏敷道卒。母魏氏多智。代領其衆入閩。乃進師屯禦梁山。之雲霄鎮。因作宅于火田村居焉。〔丁氏古譜康熙漳浦志新修福建通志〕

儀鳳二年

丁丑
公元六七七
厓山寇陳謙陷潮陽將軍陳元光討平之

厓山盜陳謙〔吳府志〕結諸蠻苗自成雷萬興攻陷潮陽。〔東里志漳浦志〕潮州刺史常懷德遣將軍陳元光討平之。〔吳周府志〕

宗頤按吳府志兵事云。陳謙陷潮陽。福建通志同。而吳府志於元光本傳則云。陳謙陷厓州。閩粵震動。新會志事略亦據黃佐通志。元光傳作攻陷厓州。攷阮通志沿革表。厓州隋南海郡之新會縣。唐武德四年平蕭銑。置厓州。領新會封平義甯三縣。是厓州乃新會地。與盜起厓山地理正合。周府志作厓州盜恐誤。

武后

垂拱二年

丙戌
公元六八六
嶺南行軍總管陳元光表請建一州於泉潮間

是歲嶺南行軍總管陳元光疏言。周官七閩。官增爲八。請建一州。泉潮間設刺史。領其事。朝旨可之。令兼秩領州。北距泉建南踰潮。廣東接島嶼。西抵虔撫。方數千里。無桴鼓之聲。號稱治平。〔漳浦志〕

宗頤按漳浦志名宦傳。稱元光嗣聖三年疏言。然嗣聖改元僅一年。嗣聖之三年卽垂拱二年。吳與漳州圖經序稱垂拱二年十二月九日奏置漳州。初在漳浦水北。因水爲名。茲據繫於是年。

玄宗

開元二十一年

癸酉
公元七三三

唐循忠奏於潮虔福間置汀州

開元二十一年福州長史唐循忠于潮州北安州東福州西光龍洞檢責得諸州避役百姓三千餘口奏置州因長汀溪以爲名【元和郡縣志】州治新羅【寰宇記】二十四年開福撫二州山洞置汀州領三縣【新

舊唐書地理志】三縣即新羅【今龍巖】黃連【即甯化】長汀

宗顯按李世熊甯化志據寰宇記九域志通鑑胡注循忠奏繫于開元十三年置州作二十六年然舊唐志開元二十二年罷漳潮二州督福建泉州汀四州唐書方鎮表是年福建經略使增領汀州是開元二十二年

己有汀州當以元和志爲得其實【參丘復長汀志】其云二十四年置者蓋二十一年始有是奏而官文書於二十二年已著爲明令時初闢草萊或遲至二十四年始正式置州也

二十六年

戊寅
公元七三八

春正月誅陳思挺

正月甲戌潮州刺史陳思挺謀叛伏誅【新唐書玄宗紀吳周府志】

代宗

大曆十年

乙卯
公元七七五

討循州刺史哥舒晃于潮陽

八年九月循州刺史哥舒晃反殺嶺南節度使呂崇實【代宗紀】節度副使伊慎下韶州明年戰于澄江口又明年軍於胥門於端州戰于潮陽次于交廣十月斬晃於甘溪上功拜連州刺史【文苑英華】

十四年

己未
公元七七九

夏貶常袞爲潮州刺史

五月辛酉代宗崩門下侍郎平章事常袞與崔祐甫爭論喪服輕重德宗卽位袞奏貶崔爲河南少尹帝怒閏五月甲戌使與祐甫換袞再貶爲潮州刺史九月一日到州至建中元年五月門下侍郎楊炎起爲福建觀察

使【新舊唐書本傳參德宗紀】

德宗

建中二年

辛酉
公元七八一

封徐州刺史李洧為潮陽郡王

李洧正己從父兄也正己用為徐州刺史【舊唐書正己傳】建中二年八月正己卒其子納自稱留後十月納陷宋州十月戊申【新唐書德宗紀】洧以其州歸順加御史大夫封潮陽郡王食實封二百戶充招諭使【

正己傳】

宗頤附按東里志境事云興元十二年廣寇陷揭陽陳謨率兵三千討之獲賊首藍老鴟等送京按謨為元光會孫漳浦志有傳云謨以平廣寇功授中郎將兼漳州刺史考興元改元僅一年并無十二年此事吳周府志俱不載姑附于此以俟考

憲宗

元和十四年

己亥
公元八一九

春正月貶侍郎韓愈為潮州刺史

正月刑部侍郎韓愈因諫迎佛骨貶潮州刺史於正月十四日就道行逾六旬三月二十五日至潮州【新舊唐書本傳參洪興祖韓公年譜】是歲十月遷為袁州刺史【憲宗紀】

以趙德主州學事

刺史韓愈牒置鄉校以進上趙德攝海陽尉為衙推官勾當州學事【昌黎集置鄉校牒文】

武宗

會昌元年

辛酉
公元八四一

春三月貶故相楊嗣復為潮州刺史

初武宗之立非出空相意罷嗣復為吏部尚書湖南觀察使會誅樞密薛季昶中人言其黨附嗣復將不利于帝遂命中使往湖南殺之賴李德裕崔珙諫因追還中使貶嗣復潮州刺史【新唐書嗣復本傳】

宣宗

大中元年丁卯冬貶李德裕為潮州司馬

冬十二月戊午貶太子少保分司李德裕為潮州司馬【通鑑】大中二年自洛水路經江淮赴潮州其年冬至潮陽【新舊唐書本傳】二年秋九月甲子再貶德裕為崖州司戶【通鑑】唐大詔令集

九年乙亥夏禁鬻男女

閏四月禁鬻外民鬻男女者【新唐書宣宗紀】

僖宗

乾符六年己亥高駢請兵邀遮潮循二州以禦黃巢

是歲春鎮海節度使高駢遣其將張璠梁繼等擊黃巢巢趣廣南秋八月奏遣兵馬留後王重任將兵八千于潮循【順天府志】人物引誤作循潮【二州邀遮自將萬人自大庾趣廣州擊黃巢【通鑑】帝納其策而駢

卒不行【唐書本傳】

廣明元年庚子春免賦稅

是年正月免嶺南賦稅十之四【僖宗紀】

昭宗

天復二年壬戌盧光稠譚全播取潮州

是時王潮攻陷嶺南全播攻潮取其妻詔二州又遣光稠弟光睦攻潮州光睦好勇而輕進全播戒其持重不聽度其必敗乃為奇兵伏其歸路光睦果敗走潮人追之全播以伏兵邀擊大敗之遂取潮州是時劉巖起南

海擊走光睦以兵數萬攻虔州光稠大懼謂全播曰虔州皆公取之今日非公不能守也全播曰吾知劉巖易與爾乃選萬人伏山谷中陽治戰地於城南告巖戰期以老弱五千出戰戰酣爲北巖急追之伏兵發巖遂大敗【新五代史盧光稠譚全播傳】

宗頤按周府志稱光稠光睦分據潮韶海陽吳志前事略云光稠傳無光睦據潮州事蓋光睦爲巖擊走或旋據而旋失耳今攷五代史南漢世家盧光稠據虔州其弟光睦據潮州子延昌據韶州再參光稠傳則光睦初敗賴全播乃攻取潮州及劉巖兵擊光睦復爲全播所敗是全播始終未失潮州南漢書云二年虔人盧光稠攻陷韶州遣弟光睦進圍潮州烈宗【即劉巖】擊之稍却光稠別將兵至我師敗遂陷潮州光稠別將即指全播是劉巖猶未得潮州也全播爲光睦光稠部將世家載光睦據潮並無矛盾海陽志謂光睦并未據潮是疑所不當疑也

後梁

太祖

乾化元年

辛未

公元九一一

劉巖併取韶潮二州

是年劉隱卒其弟巖代之十二月巖聞虔州譚全播病發攻韶州破之刺史廖爽奔楚【通鑑】進取潮州【南漢紀南漢書高祖紀】

宗頤按新五代史南漢世家云隱以兵事付巖遂出兵攻敗盧氏取潮韶不繫何年但知潮韶二州爲巖所取爲同年之事吳府志云乾化四年劉巖攻敗盧氏取潮韶二州攷巖取韶州確係乾化元年事則四年之說不知何據又周府志梁正明三年丁丑八月巖帥兵取之遂有潮州攷貞明三年巖即位稱帝號距乾化元年尚有七年據南漢世家所載取潮韶在貞明三年前則周府志之說恐未足信

南漢

高祖

乾亨元年

丁丑

公元九一七

秋八月劉巖稱帝于廣州

【後梁末帝 八月剝巖即皇帝位於番禺以廣州爲興王府】通鑑參南漢紀【時巖悉平諸寨出兵取潮韶容管桂管八
貞明三年】月癸巳即皇帝位國號大越大赦改元以是年爲乾亨元年越年夏六月改國號曰漢凡嶺東西州縣皆有之

【新五代史南漢世家南漢書高祖紀】

四年庚辰春始立學校

【後梁末帝 春三月從兵部侍郎楊洞潛請始立學校設銓選開貢舉歲放進
貞明六年】上明經十餘人如唐制帝悉從之【十國春秋南漢書高祖紀】

六年壬午夏四月漢主幸程鄉梅口

【後梁末帝 夏四月漢主巖用術者言遊梅口鎮避災】通鑑【閩將王延
龍德二年】美以兵襲之未至數十里漢主偵知遽還【南漢書高祖紀】

宗頤按九域志程鄉縣有四鎮其一梅口胡三省通鑑注引此云與閩之汀州接壤吳蘭修南漢紀考異注同即今之松口乾亨時屬潮州也

八年甲申漢主練兵潮州

【後唐莊宗 是年劉主巖練兵于潮將同閩楊洞潛納劉濬言諫阻之不聽卒引
同光二年】兵屯汀漳境上爲閩人所敗而歸【十國春秋南漢書劉濬傳】

殤帝

光天元年壬寅秋七月張遇賢反擾嶺東各縣

【後晉高祖 秋七月正州妖賊張遇賢反自稱中天八國王建元永樂置百官急攻循州刺史劉傳戰死【南漢書殤帝紀】
天福七年】遣越王洪昌循王洪杲攻之遇賢圍洪昌等於錢帛館裨將萬景忻陳道庠力戰挾二王潰圍而走嶺東皆亂

【新五代史南漢世家】諸州縣多爲遇賢所陷【殤帝紀惠州志郡事】

中宗

乾和三年乙巳廢程鄉置敬州

【後晉出帝
開運二年】

梅州本潮州之程鄉縣南漢乾和三年升爲敬州仍領程鄉縣【太平寰宇記○輿地紀勝引皇朝郡縣志梁正明三年僞漢劉氏置敬州年月不同】

按南漢設敬州後程鄉遂不屬潮州至宋神宗熙寧六年復來隸潮自此時迄熙寧程鄉事俱從略

宋

太祖

開寶四年

辛未
公元九七一

春二日平定廣南

開寶三年九月己亥朔命潭州防禦使潘美爲貴州道兵馬行營都部發十州兵會賀州以伐南漢十二月壬申下連州攻韶州四年正月癸丑潘美等取英州雄州【宋史太祖本紀】師次瀧頭南漢主劉鋹遣使請和瀧頭山水險惡美等疑有伏兵乃挾鋹使速度諸險二月過馬逕去廣南十里砦于雙女山下鋹取船舶十餘艘載金寶妃嬪欲入海未及發宦官樂範與衛兵千餘盜船舶走美等將至鋹懼遣其右僕射蕭灌【宋史太祖紀作右僕射蕭灌新五代史南漢世家同】奉表乞降【劉鋹傳】是役也凡得州六十縣二百一十四戶十七萬二百六十三【李燾通鑑長編宋史太祖紀同】

詔除廣南弊政

三月丙申詔廣南有買男女爲奴婢轉傭利者並放免僞政有害於民者具以聞除之四月己巳詔禁嶺南商稅鹽麴十月辛巳除廣南管内州縣常赦所不原者蠲無名配斂除前逋租放廣南民毆充軍者【宋史太祖紀參南漢紀】

六年

癸酉
公元九七三

減率錢

是年七月減廣南無名率錢【宋史太祖紀】